

Guangjisi Minzcu Bau

ganbbau: CN45-0036 B.2015 Nd.9 Ng.23 liggaueq ietfeih nienz ndwenbet cib 'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3192期

Dwzbauj Yen Densi Cezmuz Vahcuengh Ndae Daengz Vunzlai Haengjgyaez

德保县壮语电视节目深受群众喜爱

Vih hawj vunzlai roxyiuj dangdieg dangiveij, cwngefuj haeu-coengh nungzyez lajmbanj hwngfat cwngefuj caeuq ndawbiengz ginghei hwngfat saenqsik, engqgya guh ndei hong fugsah vunzlai, Dwzbauj Yen youq 2014 nienz 7 nyied cuengqok 《Sinhvwnz Vahcuengh Dwzbauj》 caeuq 《Gojgaeq Byayinzsanh》 daengj densi cezmuz Vahcuengh, yungh cungj feihdauh Vahcuengh nyuenz miz neix cuengqok sinh-vwnz、gangj gojgaeq, ndaej daengz

vunzlai saujsu minzcuz dangdieg haengjgyaez. Daengz seizneix, Dwzbauj Densidaiz gaenq cuengqok 《Sinhvwnz Vahcuengh Dwzbauj》 171 geiz, gungh 1320 bien sinhvwnz; gaenq cuengqok 《Gojgaeq Byayinzsanh》 36 geiz.

Bi lai daeuj, aen yienh neix laebdaeb yungh gij yenzcwz “depgyawj saedsaeh、depgyawj saedceij、depgyawj vunzlai”, mboujduenh daezsang densi cezmuz Vahcuengh cizlieng, hawj

densi cezmuz Vahcuengh baenz aen fuengsik vunzlai dangdieg roxyiuj caeuq senhconz cwngefuj he, hawj gij cwngefuj dangj caeuq cwngefuj raeuz daengz Mbanjcuengh gak mbanj, haekfug aenvih vah mbouj doengz mizmbanj vunzlai mbouj miz banhfap ciepsouh saenqsik vwndiz, doengzseiz hix fungfouq vunzlai saujsu minzcuz vwnzva saedceij.

(Nungz Yungjfang/农永放)

SIUSIK DINJ

简讯

● 9 nyied 18 hauh banhaemh, “cingz lien loh couzsei·gwnzbiengz go mbinrwenz·2015” daihcibcaet gaiq Namzningz ciet gozci minzgoh vanjvei daihngaih ciengz youq Namzningz Yinzminz Veidanz yienj, yinx ndaej hauilai siminz daeuj yawjngonz, cawz miz go minzcuz yenzswngghdai, yienh-cienz daizheiq go foux biujyienj engqgya ndei yawj, hawj bouxyawj bekfwngz haenh ndei.

(Lij Veidingz)

● 9 nyied 16 hauh, Bingzgoj Yen gawjbanh cawjdaez dwg “siengj-muengh Cungguk·siengjmuengh gou” vwnzyi senhgyangj yienjok, yungh gij hingzsih vunzlai maij dingq gyaez yawj haenx senhconz hagsib Siz cungsiuhgi doenghgi cingsaenz gangjah youq-gaenj. Daengx ciengz yienj ok doeng-gvaq eu fwen、vaigbanj、sam coenz buenq daengj hingzsih senhconz Siz cungsiuhgi seiq aen fuengmienh daengj youqgaenj lwnghangj, hawj bouxyawj rox lai youh sim'angq.

(Vangz Gyahsih)

● 9 nyied 18 hauh, Laizbinh Si bi 2015 “fapceih gungh” anh·mwngz gou caez byaij” senhcin denjhingz cunz ok baugauvei youq Ginhshu Yauzcuz Swciyen haiguh, aen yienh neix daengxcungq minzgingj caeuq yienh minzcuz gauhcungh daengxcungq lauxsae hagseng 800 baux dingq le baez baugau neix.

(Cau Binhningz Couh Veih)

● 9 nyied 18 hauh, Lungzlinz Gak Cuz Swciyen youq minzcuz minzsuz vwnzva cungsim gawjbanh bi 2015 gihcwnz ganbu mehmbwk saujsu minzcuz beizyinbanh, daengx yienh gak yangh(cin)、mbanj(segih) daengj gungh 189 baux gihcwnz ganbu mehmbwk saujsu minzcuz camgya beizyin hagsib.

(Dauz Dwzgvangh)

● Gaenh geij bi neix daeuj, Lungzswng Gak Cuz Swciyen haeng-rengz heuh comz vunzlai ndaem lauxbaeg, cungj lauxbaeg neix ndaem gaxgonq vunz dingh'aeu, gai bae dieg-gyae, moix bi dajndaem 1500 moux. Bineix ndaem ndaej lauxbaeg 450 fanh goenggaen, canjciz 500 lai fanh maenz, neix baenz cungj hongsaeh moq hawj vunzlai dangdieg demsou baenzfouq ndeu.

(Banh Cisiengz)

Ningzmingz Doihfouxsaecij Nyezrauh Bienqbaenz Hagdangz Vwnzva Diemjrongh Moq

宁明少年醒狮队成为校园文化新亮点



Ningzmingz Yen Haijyenh Cin dwg aen yangh vwnzva foux-saecij, aen cin neix cungsim siujyoz youq 2014 nienz 6 nyied laebguh Cungcoj Si aen daih'it “doihfouxsaecij nyezrauh”. Dangqna, aen “doihfouxsaecij nyezrauh” neix gaenq miz 10 duz saecij gyaeunde, gyauqlienh siujhagseng 32 baux, camgya ndaw yienh gak cungj hagdangz vwnzva hozdung biujyienj 20 lai ciengz baez, bienqbaenz dangdieg hagdangz vwnzva caeuq hong gyauyuz aen diemjrongh he. Ndaw doz dwg doihfouxsaecij nyezrauh duiyenz cingq nyinhcaen baizlien.

(Couh Yizangh/周贻刚)

Duh'anh Gawjbanh Bouxguhnaz Hag Sawcuengh Hag Gohgi Beizyinbanh

都安举办农民学壮文学科技培训班

9 nyied 14 hauh, Duh'anh Yauzcuz Swciyen youq Suhcin Nanzgyangh Cunh gawjbanh boux-guhnaz hag Sawcuengh hag gohgi beizyinbanh. Baez beizyin neix dwg 15 ngoenz, gungh miz 30 dangz goq. Miz 40 lai baux yozyenz camgya beizyin. Beizyinbanh yungh banhaemh seizhoengq son bouxguhnaz dangz goq giekdaej Sawcuengh caeuq nungzyez gohgi cihsiz.

Youq seiz beizyin, lauxsae fat bonj saw Cuengh Gun song cungj

saw doiqciuq hawj gyoengq yozyenz, gij swliu senhconz miz saw youh miz doz, hawj yozyenz youq mwh hagsib roxnyinh Sawcuengh mingh hoengh mizyinx. Doengzseiz cuengqok Vahcuengh nungzyez gohgi senhconz gyauyuzben, doenggvaq cuengqok denyingj bangcoengh yozyenz hagsib saw minzcuz caeuq gisuz nungzyez mizyung, vih vunzlai baenzfouq gvaq hwnj siujgangh swngghoz dwkroengz giekdaej gaenjaemh.

Gaenh geij bi neix daeuj, Duh'anh gig yawjnaek minzcuz vwnzva hwngfat, haengrengz coicaenh gak minzcuz vwnzva hoenghuengh hwngfat. Aen yienh neix yaek laebdaeb roengzrengz, doenggvaq lai cungj hingzsih guh ndei minzcuz vwnzva gensez, mboujduenh daezsang vwnzva suciz bouxguhnaz, vih saedyienh vunzlai baenzfouq daengx yienh akgiengz roengzrengz bae guh.

(Couh Yinh/周欣)